

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 447828 23 St
Tuzla, 07.12.2023. godine

Općinski sud u Tuzli, sudija Antonela Đaković, kao stečajni sudija, u prethodnom stečajnom postupku radi utvrđivanja da li postoje uslovi za otvaranje stečajnog postupka nad imovinom dužnika „HORTING“ d.o.o. Tuzla, ul. Soli br. 3, koje u svom sastavu ima podružnice pod nazivom: Podružnica broj 2. Cvjetni studio „MAK“ Tuzla, ul. Mitra Trifunovića Uče br. 2 i PJ Cvjetni studio „Mak“ Živinice, Prva ulica br. 121 (Tržni centar Bingo), van ročišta, dana 07.12.2023.godine donio je:

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 7.000,00 KM, na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 11.10.2021.godine pokrenuo prethodni postupak za utvrđivanje uslova za otvaranje stečajnog postupka nad imovinom dužnika „HORTING“ d.o.o. Tuzla, ul. Soli br. 3, koje u svom sastavu ima podružnice pod nazivom: Podružnica broj 2. Cvjetni studio „MAK“ Tuzla, ul. Mitra Trifunovića Uče br. 2 i PJ Cvjetni studio „Mak“ Živinice, Prva ulica br. 121 (Tržni centar Bingo), a za privremenog stečajnog upravnika imenovana je Maja Musemić iz Tuzle. Dana 27.11.2023.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da je dana 13.06.2023.godine donesena odluka o prestanku rada društva zbog platežne nesposobnosti i nemogućnosti izvršavanja dospjelih i potraživanih obaveza, svi transakcijski računi u bankama su blokirani, društvo nema zaposlenika, niti pokretne i nepokretne imovine te ne postoji mogućnost nastavka poslovanja istog. Osnovna djelatnost društva bila je maloprodaja i veleprodaja cvijeća, a ista je obavljana u iznajmljenim prostorijama. Društvo ima obaveze prema Poreznoj upravi FBiH, KPU Tuzla, UIO BiH, RC Tuzla, po osnovu kredita kod MF Banke d.d. i prema drugim povjeriocima-dobavljačima. Od sudskih sporova ima aktivan jedan privredni spor pred Općinskim sudom u Tuzli u kojem se pojavljuje kao tužena strana. Imajući u vidu navedeno,

stečajni upravnik je mišljenja da postoji razlog za otvaranje stečajnog postupka nad imovinom navedenog dužnika, predviđeni čl. 6. stav 2. i čl. 102 Zakona o stečaju (službenen novine FBiH br. 53/21).

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 7.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama, naknada za računovodstveni servis sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika i izjavi zakonskog zastupnika dužnik ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.